



---

## **PEKELILING TIMBALAN NAIB CANSOLOR (HAL EHWAL PELAJAR)**

---

**Bilangan 12 Tahun 2020**

### **TARIKH PENTING PERMOHONAN DAN RAYUAN KOLEJ KEDIAMAN BAGI PELAJAR DIPLOMA DAN SARJANA MUDA SESI OKTOBER 2020 – FEBRUARI 2021**

#### **TUJUAN**

1. Pekeliling ini bertujuan untuk memaklumkan kepada semua pelajar yang ingin memohon kemudahan kolej kediaman di Universiti Teknologi MARA (UiTM) mengenai tarikh penting permohonan kolej kediaman bagi pelajar Diploma dan Sarjana Muda sesi Oktober 2020 – Februari 2021.

#### **LATAR BELAKANG**

2. Pada 8 Julai 2020, YB Menteri Pengajian Tinggi melalui sidang media telah mengumumkan kebenaran kemasukan empat lagi kategori pelajar Institut Pendidikan Tinggi (IPT) ke kampus secara berperingkat bermula Julai 2020.

3. Kumpulan ini merupakan tambahan kepada lima kategori pelajar yang telah diberi kebenaran sebelum ini. Empat kategori yang dimaksudkan itu adalah seperti berikut:

- 3.1 Pelajar tempatan di institut pendidikan tinggi swasta (IPTS) sebanyak tiga puluh peratus (30%) seperti yang dimohon oleh Persatuan Kolej dan Universiti Swasta;
- 3.2 Pelajar Tahun Satu, Dua, Tiga dan Empat Universiti Awam dalam bidang pengajian yang memerlukan latihan klinikal, latihan amali, praktikal, bengkel,

makmal, studio atau peralatan khusus, serta mereka yang perlu menduduki peperiksaan Badan Profesional;

3.3 Pelajar Tahun Satu, Dua, Tiga dan Empat Universiti Awam yang tidak mempunyai akses internet atau persekitaran kondusif, seperti ruang belajar yang sempit atau keadaan yang tidak selesa bagi melaksanakan aktiviti pengajaran dan pembelajaran (PdP) secara dalam talian;

3.4 Pelajar antarabangsa dari kedua-dua Universiti Awam dan IPTS termasuklah pelajar baharu.

4. Melalui sidang media tersebut juga, YB Menteri Pengajian Tinggi mengumumkan bahawa kemasukan pelajar sepenuhnya adalah pada Oktober 2020. Sehubungan itu, bagi memastikan keputusan ini dapat dilaksanakan dengan sempurna, IPT dan para pelajar perlu membuat persediaan yang diperlukan.

5. Sehubungan itu, pelajar-pelajar UiTM yang berhasrat untuk menginap di kolej kediaman pada semester Oktober 2020 – Februari 2021 perlu membuat permohonan kolej kediaman secara dalam talian mengikut tarikh-tarikh yang telah ditetapkan.

## **PELAKSANAAN**

6. Pelajar-pelajar yang berhasrat untuk menginap di kolej kediaman bagi sesi Oktober 2020 – Februari 2021 boleh membuat permohonan secara dalam talian melalui portal pelajar mulai 16 Julai 2020. Tarikh penting berkaitan permohonan adalah berpandukan tarikh seperti di **Lampiran A**.

7. Permohonan rayuan kolej kediaman boleh dibuat melalui portal pelajar mulai 15 September 2020 bagi pelajar non residen, pelajar yang tidak diluluskan permohonan kolej kediaman dan pelajar yang tidak membuat permohonan kolej kediaman.

8. Proses pemilihan akan dibuat mengikut kriteria dan pelajar yang didapati layak akan ditawarkan kemudahan kolej kediaman sepanjang semester.

9. Bayaran bagi kolej kediaman akan dikenakan kepada pelajar-pelajar seperti bayaran asal.

## **TARIKH DIKELUARKAN**


10. Pekeliling ini dikeluarkan pada 14 Julai 2020.

## **TARIKH KUAT KUASA**

11. Pekeliling ini mula berkuat kuasa pada 14 Julai 2020.

## **PEMAKAIAN**

12. Pekeliling ini adalah terpakai kepada semua pelajar yang berhasrat untuk mendapatkan kemudahan kolej kediaman sepanjang semester Oktober 2020 – Februari 2021.



**PROF. DR. AZIZAN ABDULLAH**  
Timbalan Naib Canselor (HEP)

Dikelilingkan Kepada:

Rektor Kampus Cawangan  
Pengarah Pembangunan Pelajar  
Pengarah Pengurusan ICT  
Timbalan Pendaftar Kanan (HEP)  
Pengetua Kolej Kediaman  
Ketua Unit Kemudahan Kolej  
YDP Majlis Perwakilan Pelajar (MPP)  
YDP Jawatankuasa Perwakilan Kolej (JPK)  
Semua Warga UiTM

Bil. Fail : 100-HEP(UKK 6/5)  
No Siri : 100-HEP(PT.6/5) Bil. 11

**TARIKH PENTING PERMOHONAN KOLEJ KEDIAMAN  
BAGI PELAJAR DIPLOMA DAN SARJANA MUDA  
SESI OKTOBER 2020 – FEBRUARI 2021**

Bil	Perkara	Tarikh	Tindakan
1	Hebahan melalui Pekeliling Timbalan Naib Canselor (HEP) dibuat	14 Julai 2020	Unit Kemudahan Kolej
2	Permohonan kolej kediaman secara dalam talian dibuka di portal pelajar	16 Julai 2020	Pelajar / Jabatan Infostruktur / Kolej Kediaman
3	Permohonan kolej kediaman secara dalam talian ditutup	31 Ogos 2020	Jabatan Infostruktur
4	Proses semakan dan kelulusan permohonan kolej kediaman	1 September 2020	Kolej Kediaman
5	Keputusan permohonan kolej kediaman dikeluarkan	15 September 2020	Pelajar / Kolej Kediaman
6	Proses pra pendaftaran pelajar dibuat bagi pelajar yang diluluskan permohonan	15 September 2020	Kolej Kediaman
7	Pelajar mencetak slip pra pendaftaran kolej kediaman	23 September 2020	Pelajar

**Nota :** Slip pra pendaftaran kolej kediaman hendaklah dibawa bersama dengan slip bayaran kolej semasa pendaftaran kolej kediaman.

**TARIKH PENTING PERMOHONAN RAYUAN KOLEJ KEDIAMAN  
BAGI PELAJAR DIPLOMA DAN SARJANA MUDA  
SESI OKTOBER 2020 – FEBRUARI 2021**

Bil	Perkara	Tarikh	Tindakan
1	Rayuan kolej kediaman dibuka kepada : <ul style="list-style-type: none"> <li>• Pelajar Non Residen</li> <li>• Pelajar yang tidak diluluskan permohonan kolej kediaman</li> <li>• Pelajar yang tidak membuat permohonan kolej kediaman</li> </ul>	15 September 2020	Pelajar / Jabatan Infostruktur / Kolej Kediaman
2	Permohonan rayuan kolej kediaman ditutup	25 September 2020	Jabatan Infostruktur / Kolej Kediaman
3	Keputusan permohonan rayuan kolej kediaman dikeluarkan	9 Oktober 2020	Pelajar